

校編仁存陳

書叢學醫漢皇

丹波元簡著

醫

賸

上海中醫學院出版社

醫

提

賸

要

本書爲樸蔭拙者丹波元簡氏所著。分上中下三卷。末附考正六論。全

文敘述。皆屬筆記。編集成帙。故名醫賸。誌其平素之心得。以揚醫學之餘

蘊。類皆記其所未見。述其所未聞。尤其辨誤以解惑。間多發揮以補闕。細

玩文義。頗覺精要。洵能增長醫林之學識。而屬寶貴之名著也。

醫賸目次

余辛酉冬被黜于外班。公事頗閑。然日省病家。不遑寧處。唯每燈火可親之候。取壯時所筆記。爲之編刻。題曰醫賸。以仰正于來哲。機鑒拙者。

卷上

神農嘗藥	一	三折肱	一二	少腹	一三
先天後天	二	以偏得名	一三	玉房	一三
三陰三陽	二	王叔和	一三	性命之根	一三
內經之文似諸書	二	王冰	一四	診脈借菽	一五
巫醫	四	朱葛齋名	一四	手檢圖	一五
伊尹湯液	五	運氣	一五	詹王輪脈	一六
醫學	五	對脈	一六	初學診脈	一七
三皇廟	七	息數不同	一七	劉菽	一七
醫科	八	輕身延年	一七	千金方	一八
呂元膺論醫	九	藥物所出	一八	聖濟總錄	一八
天醫	一〇	王冰引月令	一八	活人書	一九
解腫穿胸	一〇	背陽腹陰	一九	儒門事親	二〇
扁鵲墓	一〇	動氣	二〇	妄改書名	二〇
黃帝時有倉公	一一	記性	二一	中風	三一
	一二	解剖藏府	二二	痲	三一

卷中

病分左右	三三	狐臭	四一	藥劑	四九
草子	三三	悶勝生	四一	診腹	四九
吹囊	三三	癩	四二	醫字音	五〇
病從口鼻入	三四	雞	四二	醫醫藥案	五一
瘡名不一	三五	演	四二	錫錫	五一
瘡母有二	三五	文字从疒	四三	左右齊診	五一
寒熱異治	三六	護項	四三	文人巨值	五二
廉瀝	三六	賊風	四三	草藥	五二
肺焦黃胖	三七	露首溫足	四四	引線候脈	五三
魘記魘之訛	三七	葵上肥	四四	一貼	五三
摹姑	三八	刺頸	四五	一週	五四
疥	三九	消患	四五	高緩	五四
讓	三九	索餅	四五	艾師	五四
鄭聲	三九	黃龍湯	四六	果子藥	五五
登豆瘡	四〇	震氣	四六	矢醫	五五
社公	四〇	砒毒	四七	衣上出火	五六
野鷄	四〇	八月生子	四七	同身寸	五六
鳳梨	四〇	古方	四八	鍼下胎	五七
	四〇	復古	四八	鍼不出	五七

八脈名義	五八	金箔治杖瘡	七〇	創參	八二
脫文校補	五九	丹藥	七〇	人養此胡	八二
紙蒿放蝕	五九	六一泥	七一	生金腦子	八三
瘡毒發痢	六〇	刀圭	七一	土中糯米	八三
絃死用藥	六〇	三建	七二	肉豆蔻	八四
雙睛突出	六一	馴馬丹	七三	牧麻	八五
疥蟲	六一	中藥昏眩	七三	茯苓	八五
鵝血治噎	六一	下卷		薏苡枸杞	八五
瘡瘡	六二	紫色	七五	陳廬米	八六
鍼入肉中	六三	鷓鴣菜	七五	滑石	八六
辟穀丹	六四	藥用後竅	七六	龍骨	八六
種痘	六五	兒啼于腹中	七六	蟾酥	八八
五靈子	六六	茶功	七七	杭有二種	八九
卜齋	六六	若木瘡	七八	華毒之蛇	八九
俞璣書	六七	鍾馗	七八	笑齒	九〇
警醫	六七	龜板	七九	孔雀尾有毒	九一
知時捷法	六八	紫河車	八〇	甘露雀鷄	九一
虎咬	六八	人參生熟	八一	馬肉	九二
蒙汗藥	六九	廣東人參	八一	底野迦	九二

詐答	九二
樟木蟲	九四
靈柴	九四
白酒	九五
靈貓	九五
烟草	六六
附錄	
募原考	九七
銅人鍼灸圖經考	一〇〇
附銅像考	一〇五
屠蘇考	一〇七
梅雨考	一二二
冬蟲夏草考	一二七
吸毒石考	一九

醫賸卷上

傑蔭拙者 著

神農嘗藥

孟子載爲神農言者許行。而不及醫藥。神農嘗百草製醫藥。世多引淮南子爲證。余嘗考淮南文。殊不然矣。曰古者民茹草飲水。采樹木之實。食羸蠃之肉。時多疾病毒傷之害。於是神農乃教民播種五穀。相土地宜。燥濕肥瘠。高下。嘗百草之滋味。水泉之甘苦。令民知所避就。當此之時。一日而遇七十毒。此其嘗百草爲別民之可食者。而非定醫藥也。乃神農之所以稱農也。陸賈新語曰。民人食肉飲血。衣皮毛。至神農以爲行蟲走獸。難以養民。乃求可食之物。嘗百草之實。察酸苦之味。教民食五穀。亦可以證矣。而其云神農定百藥者。昉見世本。太平御覽引。而鄭玄周禮註。神農子儀之術。蓋其說之來尙矣。而孔叢子云。伏羲嘗味百藥。乃在神農之前。楊朱云。五帝之事。如覺如夢。矧於三皇之事。要之不可知。亦不可窮而已。及讀劉青田醫說曰。天地闢而人生。蠹蠹焉。聖人出而後異於物。於是垂衣裳。造書契。作爲舟車網罟。弧矢杵臼之器。載在易經。不可誣也。凡可以前民用者。聖人無不爲之。而況於醫乎。辨陰陽於毫毛。決死生於分寸。其用心之難。

又豈直舟車網罟弧矢杵臼而已哉。吾固有以知其作於神農黃帝無疑也。此言極是。芸窗私志。至謂神農聞獸語而知藥。怪誕極矣。

先天後天

先天後天。在易則不過論大人之德矣。而于寶周禮注云。伏羲之易小成。爲先天。神農之易中成。爲中天。黃帝之易大成。爲後天。似無謂焉。迨至宋儒。以伏羲之易爲先天。以文王之易爲後天。遂作之圖。最無謂也。元明以來。醫家亦立三元氣。先後天之目。牽強殊甚。然其理則固有焉。經云。眞氣者。所受於天。與穀氣并而充身也。

三陰三陽

太少陰陽。原是四時之稱。董仲舒云。春者少陽之選也。夏者太陽之選也。秋者少陰之選也。冬者太陰之選也。易乾鑿度云。易始於太極。太極分而爲二。故生天地。天地有春秋。冬夏之節。故生四時。虞翻解易則云。四象。四時也。而後世說易者。專用此論蓍策之數矣。以陽明厥陰。合稱三陰。三陽者。醫家之言也。靈樞云。兩陰交盡。故曰厥陰。王冰注素問云。厥。盡也。揅厥。又按晏子云。陰冰厥隔。冰厚五寸。謂字。蓋與此同義也。兩陽合於前。故曰陽明。而後世運氣家。強以此爲天之六氣矣。

內經之文似諸書

余嘗著素問解題一篇。論其爲漢人之作。證以前賢之數說。頃刀圭之暇。繙繹子史。文間有與此相似。古人雖不必剽襲。然足觀時世之所以令然。茲舉其一二。以證非典謨以前之筆矣。上古天真論云。美其食。任其服。樂其俗。老子入十章云。甘其食。美其服。安其居。樂其俗。又云。以酒爲漿。漢書鮑宣傳。漿酒醢肉。四氣調神論云。渴而穿井。戰而鑄兵。晏子春秋云。臨難而遽鑄兵。噎而遽掘井。陰陽應象大論云。因其輕而揚之。因其重而減之。因其衰而彰之。呂氏春秋盡數篇云。精氣之來也。因輕而揚之。因走而行之。因美而良之。陰陽別論云。一陰一陽結。謂之喉痺。春秋繁露云。陰陽之動。使人足病喉痺。六節藏象論云。立端於始。表正於中。推餘於終。而天度畢矣。文元年左傳云。先王之正時也。履端於始。舉正於中。歸餘於終。又云。草生五色。五色之變。不可勝視。草生五味。五味之美。不可勝極。孫子兵勢篇云。聲不過五。五聲之變。不可勝聽。色不過五。五色之變。不可勝觀也。味不過五。五味之變。不可勝嘗也。此語又見文字。脈要精微論云。陰盛則夢涉大水。恐懼。陽盛則夢大火燔灼。陰陽俱盛則夢相殺毀傷。上盛則夢飛。下盛則夢墜。甚飽則夢予。甚饑則夢取。列子穆王篇云。陰氣壯則夢涉大水而恐懼。陽氣壯則夢涉大火而燔灼。陰陽俱盛則夢生殺。甚飽則夢與。甚饑則夢取。氣穴論云。發蒙解惑。未足以論也。枚乘七發云。發蒙解惑。未足以

言也。營衛生會篇云。上焦如霧。中焦如漚。下焦如瀝。白虎通引禮運記云。上焦如竅。中焦如繅。下焦如瀝。本神篇云。生之來。謂之精。兩精相搏。謂之神。隨神往來者。謂之魂。並精而出入者。謂之魄。所以任物者。謂之心。心有所憶。謂之意。意之所存。謂之志。因志而存變。謂之思。因思而遠慕。謂之慮。因慮而處物。謂之智。此一節。全見子華子。其他文勢語氣。類淮南者多。聶吉甫云。既非三代以前文。又非東都以後語。斷然以爲淮南王之作。豈其然與。

巫醫

人而無恆。不可以作巫醫。蓋巫醫唯是醫已。周禮有巫馬。卽馬醫。汲冢周書。鄉立巫醫。具百藥以備疾災。畜五味以備百草。呂覽云。巫醫毒藥。逐除治之。故古之人。賤之爲其末也。後漢許楊。及王莽篡位。乃變姓名爲巫醫。逃匿它界。皆非巫與醫之謂。山海經。開明東。有巫彭。巫抵。巫陽。巫履。巫凡。巫相。郭璞注云。皆神醫也。世本曰。巫彭作醫。楚辭曰。帝告巫陽。又呂氏春秋。巫彭作醫。世本。巫咸。堯臣也。以鳩術爲帝堯之醫。說苑云。上古之爲醫者。曰苗父。苗父之爲醫也。以菅爲席。以芻爲狗。北面而發十言耳。請扶而來。輿而來者。皆平復如故。素問有移精變氣論。上古之醫。必爲祝由。則所以有巫醫之稱也。

伊尹湯液

皇甫謐甲乙經序云。伊尹以元聖之才。撰用神農本草。以爲湯液。蓋伊尹負鼎言負才也。乃謂庖人。遂作湯液。原出于庖。而後人取附會耳。素問有湯液醪醴論。俞跗治病。不以湯液醪醴。並非湯藥之謂。而漢書藝文志。湯液經法十六卷。豈伊尹所作耶。活人書。桂枝加葛根湯方後云。伊尹湯液。桂枝湯中加葛根。今監本。用麻黃。誤矣。又衛生寶鑑。伊尹湯液論云。大黃黃連瀉心湯三味。今監本無黃芩。脫落之也。所謂湯液。雖今無傳。其出於後人依托明矣。

醫學

晉以上無醫學之設。及劉宋元嘉二十年。太醫令秦承祖奏置醫學。以廣教授。後魏及隋。有太醫博士助教。唐貞觀三年九月。諸州置醫學。開元元年。諸州置助教。十一年。諸州置醫學博士。宋醫學隸太常寺。神宗時始置提舉判局官。及教授一人。學生二百人。政和五年正月。州縣置醫學。元世祖中統二年夏五月。太醫院使王欽吉言。醫學久廢。後進無所師授。竊恐朝廷一時取人。學非其傳。爲害甚大。乃遣副使王安仁。授以金牌。往諸路設立醫學。吳澄宜黃縣三皇廟記云。醫有學。學有廟。廟以祀三皇。肇自皇元。前所未有也。夫上古聖人。繼天心。立民命。開物創法。以爲天下利。至于

今賴之者莫如三皇也。然歷代以來未聞立廟以祀。唐天寶間制立三皇廟。與五帝廟同置。命有司以時祭享。蓋曰祠古聖云爾。非如今日醫學之專廟特祭也。當今路州府縣儒學有孔子廟。皆因其舊。醫學立三皇廟。與儒學孔子廟等。則新制也。乃知醫學之制。至于元而始備矣。明初置醫學提舉司。設提舉副提舉醫學教授學生官醫提領等官。尋改爲太醫監。設少監監丞。吳元年改監爲院。設院使同知院判典簿等官。而各地醫學府正科一人。州典科一人。縣訓科一人。然似不如元之重醫學也。故丘濬大學衍義補云。今世之業醫者。挾伎以診療者有之矣。求其從師以講習者何鮮也。我太祖內設太醫院。外設府州縣醫學。醫而以學爲名。蓋欲聚其人以敦學。既成功而試之。然後授以一方衛生之任。由是進人以爲國醫。其嘉惠天下生民也至矣。臣願究成周所以謂之醫師。國朝所以立爲醫學之故。精擇使判以上官。聚天下習醫者。俾其教之養之。讀軒岐之言。研張孫之技。試之通而後授之職。因其長而專其業。稽其事以制其祿。則天下之人皆無天閼之患。而躋仁壽之域矣。是亦王者仁政之一端也。今依此言而推之。當時醫學之衰廢。可以知也。而嘉靖十五年建聖濟殿于文華殿後。以祀先醫。二十二年從侍醫之請。又建景惠殿于太醫院。以祀先醫。令大臣春秋主祀。蓋未始於醫學建三皇廟也。清因之。雍正元年覆准

行文直省巡撫。查所屬醫生。詳加考試。課有類經註釋。本草綱目。傷寒論。三書者。指名題請。授爲醫學官教授。每省設立一員。准其食俸三年。如果勤慎端方。貢入太醫院。授爲御醫。凡所屬州縣衛習醫人。令其訪明考試。卽將三書教習。有精通醫理者。呈報巡撫。給咨太醫院考試。上者授以吏目醫士等官。其有年力不能赴京者。留爲本省教授待缺。其致祭三皇於太醫院之景惠殿。順治元年定。係註錄出會典然醫學之制。未得其詳。享和癸亥冬。蘇門民醫胡振兆新。來寓於崎畧。因使譯官問之。胡乃覆曰。儒學者設立教官。專管在學諸生。衙署學宮之傍。凡讀書人。考取秀才。則知府知縣送入學內。教官迎進。拜孔聖。後卽拜教官。爲老師。所謂進學之稱也。醫學者不過本地醫家。寒士寂寞。官長強點充任。雖名醫官。實以備承應傳喚。兼治罪犯之人。每年俸穀無多。仍可在家診治。並無學官。亦不課教子弟。蓋閭閻醫士。一切衙門。俱不承應。俱讀書人爲多。官長延請。須用名帖。所以醫學之不屑爲也。三皇廟者寺院也。非學也。有道士承應供奉。醫家朔望進香。此蓋就蘇門一地而言之。如兩直隸。恐不如此也。

三皇廟

洪武四年詔曰。三皇繼天立極。開萬世教化之原。泊於藥師可乎。天下郡縣。毋得褻祀。而至嘉靖二十一年。建三皇廟於太醫院北。名景惠殿。又至

隆慶四年。禮部侍郎王希烈建言。三皇既祀于歷代帝王廟。又祀于文華東室。乃又雜之醫師。使共俎豆。不亦瀆且褻乎。且官廨中止。宜有祠。不宜有殿。穆宗不欲改先帝之制。報罷。萬曆十八年。詹景鳳脩南京太醫院三皇廟。謂三皇之稱。於醫無取。更額曰聖醫廟。事詳于其所彙刻醫學集覽序。按聖醫廟之稱。爲協其實焉。然今清朝猶仍元明之舊制。

醫科

醫之立科。歷代不同。周四科。疾醫。瘍醫。食醫。獸醫。見周禮。唐七科。體療。少小。耳目。口齒。角法。按摩。咒禁。見大典。宋設三科教之。曰方脈科。針科。瘍科。見選舉志。又太醫局有丞。有教授。有九科。見職官志。而九科無考。金十科。亦無考矣。元十三科。大方脈雜醫科。小方脈科。風科。產科。兼婦人雜病科。眼科。口齒兼咽喉科。正骨兼金鏃科。瘡腫科。鍼灸科。祝由科。見輟耕錄。案效方同。唯除祝由科。輟耕錄云。出聖真總錄。今聖真無考。可疑。續文獻通考。無風科。婦人產科爲一科。有傷寒科。按應錄。事物紀原。古十三科。更有獸醫。又名牛醫。明十三科。大方脈科。傷寒科。小方脈科。婦人科。口齒科。咽喉科。外科。正骨科。痘疹科。眼科。鍼灸科。出明會典。按鄭曉吾學編十三科。曰大方脈。曰小方脈。曰瘡瘍。曰接骨。曰祝由。曰針灸。曰眼。曰口齒。曰接骨。曰傷寒。曰咽喉。曰金鏃。曰痘疹。考會典凡十一科。乃除按摩祝由二科也。古今醫統。古十四科。更有脾胃科。李穡小仙雜錄。其言學導引。無按摩科。以口齒爲一科。有風科。養生科。清十一科。曰大方脈。小方脈。傷寒科。婦人科。瘡瘍科。鍼灸科。眼科。口齒科。咽喉科。正骨科。痘疹科。今痘疹歸小方脈。咽喉口

齒共爲一科。現設九科。見清會典。王子樓十三科古方選註。傷寒科。內科。兒科。外科。稅由科。符藥科。此十二科。欠針灸科。王業知新錄。無科。幼科。痘疹科。瘰癧科。喉嚨科。折傷科。金鐵金鐵按應稅由。有痘科疹科。分針灸灸爲二科。未知何據也。

呂元膺論醫

呂元膺論歷代諸醫。其文倣梁袁昂書評體。譬喻切當。爲後學之楷則。其言曰。扁鵲醫。如秦鑑燭物。妍媸不隱。又如奕秋遇敵。著著可法。觀者不能測其神機。倉公醫。如輪扁斲輪。得心應手。自不能以巧思語人。張長沙醫。如湯武之師。無非王道。其攻守奇正。不以敵之大小。皆可制勝。華元化醫。如庖丁解牛。揮刀而肯綮無礙。其造詣自當有神。雖欲師之而不可得。孫思邈醫。如康成註書。詳制度訓詁。其自得之妙。未易以示人。味其膏腴。可以無饑矣。龐安常醫。能啓扁鵲之所秘。法元化之可法。使天假其年。其所就當不在古人下。錢仲陽醫。如李靖用兵。度越繼舍。卒與法會。其始以顛顛方。著名于時。蓋因扁鵲之因時所重。而爲之變爾。陳無擇醫。如老吏斷案。深於鞠讞。未免移情就法。自當其任則有餘。使人代治則繁劇。許叔微醫。如顧愷寫神。神氣有餘。特不出形似之外。可摸而不可及。張易水醫。如濂溪之圖太極。分陰分陽。而包括理氣。其以古方新病。自爲家法。或者失察。剛欲指圖爲極。則近乎畫蛇添足矣。劉河間醫。如秦駝種樹。所在全活。但假冰雪以爲春。利於松柏。而不利於蒲柳。張子和醫。如老將敵對。或陳

兵背水。或濟河焚舟。置之死地而後生。不善效之。非廣則北矣。其大門三法。蓋長沙之緒餘也。李東垣醫。如獅弦新絙。一鼓而爭。鏘並熄。膠柱和之。七均由是而不諧矣。無他。希聲之妙。非開指所能知也。嚴子禮醫。如歐陽詢寫字。善守法度。而不尚飄逸。學者易於摹倣。終乏漢晉風。張公度醫。專法仲景。如簡齋賦詩。每有少陵氣旨。王德清醫。如虞人張羅。廣絡原野。而脫免殊多。詭遇獲禽。無足算者。見戴九靈滄州翁傳。

天醫

范成大問天醫賦序云。案晉書。卷舌六星。其一曰天譴。主巫醫。而孫氏千金書。以日辰推天醫所在。其是歟。田汝成西湖志云。天醫院。錢唐名醫朱應軫建以奉陶吳許三真君。錢希言繪園云。天醫有十三科。今在天曹。屬陶許兩真人職掌。月令廣義引潛居錄云。八月朔。古人以此日爲天醫節。祭黃帝岐伯。壽域神方有入代天醫名銜。

解臚穿胸

抱朴子。淳于解臚以理腦。又初學記。引抱朴子云。文摯。愆筋以療危困。仲景穿胸以納赤飢。王冰實命全形論據府註引此文。又皇甫謐釋勸論。岐伯剖腹以錮腸。乃不特俞跗華佗能斯術。

扁鵲墓

酉陽雜俎云。廬城之東有扁鵲冢。云魏時鍼藥之士。以卮脂禱之。所謂盧醫也。范成大攬轡錄云。伏道有扁鵲墓。墓上有幡竿。人傳云。四傍土可以爲藥。或於土中得小圓黑褐色石。可以治病。徐氏筆精。可療。疑傳聞之訛。石湖集載其詩云。活人絕技古今無。名下從教世俗趨。墳土尙堪充藥餌。莫嗔醫者例多廬。樓攻媿北行日錄云。乾道五年十二月十四日。車行四十五里。過伏道望扁鵲墓。前多生艾。功倍於他艾。王兆雲揮塵新譚云。扁鵲墓在河間任丘縣。其祠名藥王祠。前有地數畝。病者禱神。乃以琰卜。許則云從其方取藥。如言掘土。果得藥。服之無弗愈者。其色味不一。四方來者。日掘千窟。越宿俱平壤矣。文安王公守蘇。爲陸給事子俞言如此。朱國禎湧幢小品云。鄭州土城無門扉。相對如闕。中有藥王廟。王卽扁鵲。州人也。封神應王神廟玉體違和。慈聖皇太后禱之。立奏康寧。爲新廟。建三皇殿於中。以歷代之能醫者附焉。周石匏東京考云。扁鵲墓在闔闔門外西北。菩提東原。在子城內。唐元和十五年。宣武節度使張弘靖徙葬於此。相傳四傍土。可以爲藥。禱而求之。或得丸如丹劑。神仙通鑑云。扁鵲死於商都之陰。時年九十七。陽厲趨至死所。哀哭殮葬於路旁。有病者。至墓禱求。掘土煎湯。服之卽愈。或得小丸如丹。雖危證可救。墓旁多生艾草。能灸百病。後人爲之立廟。吳震芳述異記云。山西潞城縣。民病不服藥。亦無醫。縣南十餘里有。